

Sarajevo, 11.07-20-80  
Broj: 08-02-2017  
0203-5836

Na osnovu člana 70. Zakona o javnim nabavkama („Službeni glasnik BiH“, broj 39/14), člana 37. Statuta Kliničkog centra Univerziteta u Sarajevu, člana 15. Pravilnika o javnim nabavkama Kliničkog centra Univerziteta u Sarajevu a na prijedlog Komisije za provođenje javne nabavke, Generalna direktorica donosi:

### **ODLUKU**

o rezultatima okončanog postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača General Electric

#### **I**

Za najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača General Electric, odabirem ponudu ponuđača „MEDICAL“doo Mostar.

#### **II**

Odluka stupa na snagu danom donošenja.

### **OBRAZLOŽENJE**

Odlukom Generalne direktorice o pokretanju postupka javne nabavke broj 0203-45699 od 27.10.2016 godine Klinički centar Univerziteta u Sarajevu (u daljem tekstu KCUS) je na portalu Agencije za javne nabavke objavio Obavještenje o nabavci broj 893-3-2-316-3-171/16 za izbor najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača General Electric, putem pregovaračkog postupka sa objavom obavještenja, a prema zahtjevu Tehničkog sektora broj 1104-42253 od 10.10.2016 godine.

Nabavka je objedinjena planom nabavki za 2016 godinu u klasifikaciji „Usluge“ red.br. 66 i „Robe“ red.br.68 sa ukupnom procjenjenom vrijednosti do 195.000,00 KM bez uračunatog PDV-a i zaključivanje okvirnog sporazuma na period od jedne godine.

Tendersku dokumentaciju, koja je objavljena na portalu E-nabavke i samim tim dostupna svim registrovanim potencijalnim ponuđačima, preuzela su tri ponuđača.

Do krajnjeg određenog roka za prijem ponuda, 07.12.2016 godine, dostavljena je jedna ponuda i to ponuda ponuđača „MEDICAL“doo Mostar.

Prva faza – faza pretkvalifikacije izvršena je dana 07.12.2016 godine u prostorijama KCUS-a. Komisija za nabavku (u daljem tekstu:Komisija) izvršila je kontrolu i ocjenu ponude u smislu provjere kvalifikacija i konstatovala je da ponuda ispunjava sve tražene formalno-pravne uslove i da sadrži sve elemente koji su se zahtjevali tenderskom dokumentacijom u I fazi postupka - fazi pretkvalifikacije. Komisija daje prijedlog da se ponuđaču „MEDICAL“ uputi zahtjev za dostavljanje početne ponude i postupak pregovora.

DOKAZ: Izvještaj Komisije broj 0305-55511 od 26.12.2016 godine.

Druga faza – faza dostavljanja ponuda, izvršena je dana 05.01.2017 godine u prostorijama KCUS-a. Na osnovu zahtjeva Komisije, u datom vremenskom roku, ponuđač „MEDICAL“doo Mostar, čija je je ponuda u prethodnoj fazi ocjenjena kao formalno pravno ispravna, dostavio je početnu ponudu i obavljani su pregovori sa ovlaštenim predstavnikom ponuđača. Po okončanju pregovora postignut je slijedeći dogovor:

1. Cijena norma sata rada servisera iznosi 120,00 KM bez PDV-a;
2. Sati za izlazak na defektažu su **gratis**;

*M. P. Anu*

3. Poziv na defektažu se vrši isključivo od strane KCUS, Tehničkog sektora, Službe za održavanje medicinskih uređaja, pismenim putem i to mailom ili putem faxes. U slučaju hitnosti a u toku neradnog dana poziv može biti i telefonski s tim da se naredni dan taj poziv potvrdi i pismenim putem;
4. Prije svakog poziva na defektažu uposlenik Službe izlazi na lice mjesta i u kontaktu sa ponuđačem usaglašava nužnost dolaska na defektažu;
5. Garancija na rezervne dijelove je 6 mjeseci od dana instalacije i ugradnje ;
6. Uslovi plaćanja su odgođeno plaćanje 60 dana od dana ispostave fakture ;
7. Dostavljen cjenovnik rezervnih dijelova;
8. Dostavljen plan i trškovnik za preventivne preglede;

Nakon završenih pregovora Komisije i ovlaštenog predstavnika ponuđača, Komisija upućuje zahtjev ponuđaču „MEDICAL“ za dostavljanje konačne ponude.

DOKAZ: Izvještaj Komisije broj 0305-3829 od 26.01.2017 godine.

Ponuđač „MEDICAL“ dana 17.01.2017 godine dostavio je konačnu ponudu broj 0305-2182 koja je otvorena u prisustvu Komisije. Komisija je konstatovala da je ponuđač „MEDICAL“doo Mostar potvrdio sve gore navedene uslove, koji su usaglašeni u drugoj fazi – fazi dostavljanja ponuda.

Komisija u Izvještaju broj 0305-3829 od 26.01.2017 godine predlaže Generalnoj direktorici da se nakon provedenog pregovaračkog postupka sa objavom obavještenja zaključi okvirni sporazum u trajanju jedne godine sa ponuđačem „MEDICAL“doo Mostar za vršenje usluga održavanja medicinskih aparata/sistema i nabavka osnovnih rezervnih dijelova proizvođača General Electric te da se svi gore navedeni uslovi involviraju u sadržaj Okvirnog sporazuma te da ponuda za preventivno održavanje kao i cjenovnik rezervnih dijelova čine sastavni dio istog.

Smatram da je Komisija pravilno postupila uzevši u obzir gore navedene činjenice te zbog toga prihvatom prijedlog Komisije i donosim odluku kao u dispozitivu.



GENERALNA DIREKTORICA

Prof.dr. Sebija Izetbegović

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.

Dostaviti:

- Ponuđačima;
- a/a

*Handwritten signature in blue ink.*